

**ZAPISNIK SA 25. SJEDNICE UO-a SAMOSTALNOG SINDIKATA RADNIKA u BHRT-u,
održane 27.12. 2016. godine**

Prisutni: D. Smital; E. Čengić; N. Žuga; E. Fočo; M. Grbo; D. Miljević; B.Hamzagić; M. Baručija; G. Brkić; T. Maličbegović; S. Topalić; N. Hodžić; N. Arnautović; O. Bukić; N. Čordalija

Odsutni: M. K. Pašalić; Dž. Kahrica; - **opravdano**

Dnevni red:

1. Usvajanje zapisnika sa 24. sjednice UO SSR u BHRT-u
2. Aktuelna situacija u BHRT-u
 - protest upozorenja
 - izvještaj sa konferencije o Javnim RTV servisima / D. Smital
3. Prijedlog minimuma procesa rada u slučaju štrajka / BHRT
4. Organizacioni odbor Skupštine
5. Blagajnički izvještaj za novembar 2016
6. Izvještaj i specifikacija BSO za novembar 2016/ N. Žuga
7. Dodjela pomoći
7. Razno.
 - inicijativa za promjenu naziva studija MP u Studio Esad Arnautalić/ D. Smital

AD 1 Predloženi dnevni red je jednoglasno usvojen, prešlo se na analizu zapisnika sa 24. sjednice, koji je takođe jednoglasno usvojen uz korekciju N. Žuge.

AD 2 D. Smital je informisao prisutne o sastanku sa generalnim direktorom koji je održan prije sjednice UO sindikata, a u vezi sa isplatom plate za 11. mjesec. Rečeno je da se još čeka priliv sredstava kako bi se počelo sa isplatom.

Što se tiče aktivnosti Odbora JRTV Sistema oko načina naplate rtv takse, ništa nije konkretno dogovoreno, osim da se za narednih šest mjeseci produži ugovor sa telekom operaterima.

RAK je donio odluku da se u narednom periodu komercijalne TV „ubace“ u MUX A, a prihodi će se dijeliti između BHRT-a i RTRS-a.

Donešena je odluka da se PROTEST, zbog ignorisanja vlasti za rješavanje stabilnog finansiranja BHRT-a organizuje 23.01.2017. u 12,05 sati. Zaduženi su svi predstavnici podružnica da obavijeste uposlene o protestu, da se dogovori sa drugim sindikatima da dođu na proteste i podrže iste, u što većem broju. Sindikat će tražiti direktan prenos protesta u programu BHT1. Donešena je odluka o naknadama za putovanje odnosno dolazak na proteste kolega iz ITC-a kao i predstavnika drugih sindikata po potrebi, te istim obezbijediti ručak u restoranu RTV doma.

Na ovoj sjednici je imenovan organizacioni odbor za protest i to: Damir Smital; Svjetlana Topalić; Džemal Kahrica; Elvis Čengić; Goran Brkić; Nijaz Čordalija; Mustafa Baručija.

Svi prijedlozi i odluke u vezi organizacije protesta su jednoglasno usvojene.

20.12.2016. godine D. Smital je prisustvovao konferenciji o javnim RTV servisima u BiH a koju su organizovali BH novinari i Komisija za promet i komunikacije Zastupničkog doma PS BiH, uz podršku Vijeća Evrope. Jedan od zaključaka konferencije je da se uputi pismo članovima Odbora sistema sa četiri preporuke: Da Odbor sistema prihvati model naplate RTV takse uz račune za struju, Od Vijeća ministara zatraži će se interventna finansijska pomoć za preživljavanje BHRT i druga dva javna servisa, od entitetskih vlada I parlamenata traže se Izmjene Zakona o izvršnom postupku.

Pristupit će se i formiranju radne grupe čiji je prevashodni zadatak da ANALIZIRA dosadašnju primjenu Zakona o JRTS BiH, Zakona o BHRT, Zakona o FTV i Zakona o RTRS. U okviru ovog tijela formiraće se 4 komisije zadužene za:

1. izradu pravnog okvira;
2. programskih standarda javnih RTV servisa;
3. Tehnike i tehnološkog razvoja
4. Finansijskog okvira koji podrazumijeva obezbjedjenje stabilnog finansiranja javnih servisa i izvora finansiranja (način naplate RTV takse).

D.Smital je izvjestio da je prihvaćena sugestija da se u vezi zahtjeva Hrvatskog narodnog za formiranje kanala na hrvatskom jeziku i preustroja Javnog RTV sistema u BiH, organizuje javna rasprava uz predočenje cjelovitog elaborata koji bi obuhvatio opravdanost, sve aspekte ustrojstva, finansiranja, organizaciju i tehničku podloge za prijedlog HNS.

Ukoliko Sindikat bude učestvovao u radu radne grupe koja je najvljena na konferenciji, predloženi su i predstavnici ispred SSR u BHRT-u i to: S. Topalić, programskih standardi javnih RTV servisa; D. Smital, izradu pravnog I finansijskog okvira: Dž. Kahrica i E.Čengiđ, Tehnike i tehnološkog razvoja. Ovaj prijedlog D.Smitala je jednoglasno usvojen.

AD 3 Menadžment je uputio Sindikatu prijedlog Minimuma procesa rada.

Upravni odbor SSR u BHRT-u je donio zaključak na prijedlog D.Miljevića da se gore navedeni prijedlog dostavi Povjereništva Podružnica SSR u BHRT-u, kako bi dali svoje mišljenje koje su dužni poslati UO Sindikata do 20.01.2017.godine. Nakon pribavljenog mišljenja Povjereništava Podružnica, Upravni odbor SSR u BHRT-u će ponovo razmatrati prijedlog BHRT-a o minimumu procesa rada u slučaju štrajka i dostaviti primjedbe i prijedloge izmjena tog dokumenta menadžmentu. Zaključak je jednoglasno usvojen.

AD 4 Na ovoj sjednici je donešena odluka o formiranju organizacionog odbora za 2. redovnu Skupštinu i to: Nada Šimić – predsjednica; Elvis Čengiđ; Damir Smital; Džemal Kahrica; Nijaz Žuga; Goran Brkić; Nijaz Čordalija; Nihad Arnautović; Tarik Maličbegović i Amir Džidić, jednoglasno usvojeno.

AD 5 Blagajnički izvještaj za mjesec Novembar 2016. godine primljen k znanju.

AD 6 Izvještaj o poslovanju sa BSO osiguranjem takođe primljen k znanju.

AD 7 Na prijedlog komisije za dodjelu finansijske pomoći (N.Žuga, G.Brkić, M.Grbo) podijeljena je novčana pomoć za sljedeće članove; Adisa Dedić-Kološ -500 KM (III dio); Suvad Ćorić-500 KM (I dio); Nevenka Vrgoč-500 KM (I dio); Razija Suljović-100 KM; Sandra Nagorni Marković-100 KM: ukupno:**1700 KM**.

Ovaj prijedlog komisije je jednoglasno usvojen.

AD 8 Zbog smrti vrsnog muzičara, kompozitora i dirigenta maestra Esada Arnautalića, D. Smital je obrazložio inicijativu za promjenu naziva studija Muzičke produkcije u Studio Esad Arnautalić. Prijedlog je i da sindikat ako bude potrebe učestvuje u organizaciji i finansiranju postavke spomen ploče. Prijedlog je jednoglasno usvojen.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengiđ

Predsjednik
SAMOSTALNOG SINDIKATA
RADNIKA U BHRT-u
Damir Smital